

յաջողո՞ւի՞ իրան քաղել իր հունձքը: Նրա տան շարժական իրեղենները միշտ թաղոած էին հողի մեջ կամ նրանց համար յատուկ շինած ստորերկրեայ պահարաններում, որպեսզի, փախուստների ժամանակ թշնամու ձեռքը չընկնեն: Բայց յաջողւ՞մ էր նրան միւս անգամ դուրս բերել իր կայքը գերեզմանից, – խիստ հազիւ, որովհետեւ շատ անգամ թաքցնողը, հանդիպելով թշնամուն, զրկւում էր կեանքից եւ իր պահարանի գաղտնիքը տանում էր դեպի միւս աշխարհը: Այս է պատճառը, որ Չայաստանում մինչեւ այսօր գետինը փորելու ժամանակ գտնւում են այնքան շատ պղնձէ, երկաթէ իրեղեններ, կանանց զարդեր. դրանք պատերազմների միջոցներում թաքցրած կայքեր են, որոնց տերերն իրանց հետ իջել էին գերեզման:

Այսպէս էր այն ժամանակ հայի վիճակը Տարօսի եւ Վասպուրականի մեջ, նրա դժբախտութիւնն աւելի նրանումն էր կայանում, որ տիրող բռնաւորը-քուրդը – երկրի տերը չէր, այլ զանազան թափառական ցեղերից բաղկացած մի ամբոխ, որ կատաղի մրրիկի նման, տարուբերւում էր երկրի մի կողմից դեպի միւսը, ոչնչացնելով ամէն կենդանութիւն, ամէն ինչ, որ արդիւնաբերել էր արհեստը եւ մարդու աշխատասէր ձեռքը:

Քուրդը պետական փառասիրութիւն չունէր, եւ ոչ հասկանալի էր նրան աշխարհակալութեան հպարտութիւնը: Նա նայում էր իր նոսճած ժողովրդի վրայ, որպէս այն սարերի խոտերի վրայ, ուր արածում էին նրա անասունները: Մէկը – ժողովուրդը-մատակարարում էր իրա՝ քրդի պիտոյքները, միւսը-սարերի խոտերը ճարակ էին տալիս նրա հօտերին, որպէս վերջինի աճեցնելու եւ մշակելու համար նա հոգ չէր տանում, նոյնպէս եւ ժողովուրդը խնամելու մասին նա չէր մտածում: Քուրդը վստահ էր, թէ աշխարհի մեջ ամէն տեղ բաց է նրա ասպարէզը, ամէն տեղ կարող է գտնել այս տեսակ արօտներ, քանի իր սուրը կտրում է, քանի իր թելքը շարժում է:

Վասպուրականի եւ Տարօսի նահանգներում, բացի ներքին խռովութիւնները քրդերի կողմից, լինում էին եւ յարձակումներ արտաքին թշնամիներից: Քիչ չէր պատահում, պարսիկներն արշաւանքներ էին գործում եւ բազմաթիւ բախտախնդիր հրոսակներով թափւում էին այն երկրների վրայ: Պատերազմը վերջանում էր կրակով, արիւնով, գերեւարութեամբ եւ անարառութեամբ: Այսպիսի դեպքերում վտանգը հասնում էր դարձեալ բնիկ ժողովրդին, որովհետեւ քրդերը, եթէ թշնամուն ընդդիմանալու կարողութիւն չունէին, թողնում էին երկիրը, քաշւում էին դեպի լեռների անմատչելի տեղերը, եւ սպասում էին մինչեւ թշնամու հեռանալը:

Քիչ չէր պատահում, եւ Օսմանեան պետութիւնն ուղարկում էր զօրքեր խաղաղացնելու իր տերութեան սահմանագլուխները եւ նոսճելու ապս-